

اداره مخصوصه

درسعادتنده باب عالی جاده سنده

محل اداره :

مُشَارَظَةُ الْقُرْآنِ

۱۳۲۶

دین ، فلسفه ، ادبیات ، حقوق و علوم دین باحث هفته لاق رساله در

مؤسساری : ابوالعلا زین العابدین - ح . اشرف ادیب

درسعادتنده نسخہ ہی ۵۰ پارہ در

قیراہدن مقوا بورو ایله کوندریلیرسه سنوی
۲۰ غروش فضلہ آلتیر

تاریخ تاسیسی

۱۰ تموز ۳۲۴

سنہ لکی

۶۰

۸۰

۸۰

درسعادتنده

ولایاتده

مالک اجنبیہ ده

درسعادتنده پوستہ ایله کوندریلیرسه ولایات بدلی اخذ اولانور

عدد : ۴۸

۱۹ رجب ۳۲۷ پنجشنبه ۲۳ تموز ۳۲۵

ایکنجی جلد

اخطار :

مسئکمزہ موافق آثار جدیدہ مع المنونہ

قبول اولنور

درج ابدلہ بین آثار اعادہ اولنار

حقوق

علی مرتضی افندی مسئله‌سی

-- مابعد --

بشخصی که مومی الیهک محکمه تمیز جزا دائره‌سندہ ضبط کتابتی وظیفه‌سی ایفا ایتمکده اولمسی و بتخصیص محکمه مشارالیهانک هیئت عمومی می‌سندہ مستخدم بولمسی اساسیدر. بونیده تدقیق ایده‌جک اولور ایسه‌ک ینه وکیل مشارالیه ایچون مخلص اوله‌بیله‌جک برماهیتی جائز کوره‌میز. زیرا محکمه تمیزده کی استخدا مک بو انتخاب حقنده کی تأیقاتی استقرا اولنورسه کور بلورکه :

(۱) بوراده کی کتابتک درجات محاکمده کی وظائف نمائنده دن مشغله‌دها مهم اولمسی .

(۲) ویا شرفاً عالی بولمسی .

(۳) ویا محکمه تمیز مرجع تفسیر بولندینی و تطبیقات قانونیه بی توحید وظیفه‌سیله مکلف اولدینی جهته بو محکمه‌ده بولنا انلرک امر تطبیقه‌ده رسوخ و ملکه اکنساب ایله جکاری و بنا برین مدعی عمومیلک وظیفه‌سی ایفاده محاکم سائرہ ضبط کتابتده بولنا نلر دن زیاده موفق اوله جکاری ملاحظه‌سنک قبول ایدلمش اولمسی .

(۴) ویا مدعی عمومیلک ایچون اصل وظیفه جهت جزائیه‌ده حقوق عمومیه نامنه اقامه و تمقیب دعوان عبارت اولسنه کوره محکمه مشار الیهانک جزا دائره‌سی ضبط کتابتده بولنه‌جق ذواتک اعتبارات مشروحه حسبیه بو وظیفه بی سائرلر دن زیاده حسن ایفاده بولنه جقارینک قبول ایدلمسی .

(۵) ویا محکمه تمیز محاکمک فوقنده نهائی برهیت عالیه اولدیندن قوه عدلیه‌نک کتابت قسمندن حاکمیت قسمنه ارتقا ایچون بو محکمه ده کی کتابتک ترجیحی قوه مذکوره‌ده جاری سلسله نظریه‌سنه موافق بولمسیدر .

بتون بواحتمالاتی نظره آله‌رق دیرزکه : بر کره محکمه تمیز ضبط کتابتی مشغله‌ده درجات محاکمی ضبط کتابتک مادوننده در . زیرا درجات محاکمی ضبط کتابتری طرفینک محاکمه و مرافعه‌سندہ بالفعل ضبط کتابتده بولنه‌رق مدعیات متخاصمین ، واحتجاج اولنان دلائل واسباب ثبوتیه بی و محاکمه تنویر مسئله‌یه مدار اوله‌رق تحصیل ایدن خصوصاتی جمع و ضبط ایدرلر . بوبابده جزئی لاقیدی مقدس و مصون التعرض عد اولنان حقوق ناسک ضیاعنه سببیت ویرر . بناء علیه درجات محاکمی ضبط کتابتری مادی و معنوی بیوک بر مسئولیتک دائماً تحت تأثیرنده بولنورلر . طرفینک سوزلرینی عادتاً وسع بشر فوقنده بردقتله تمقیب ایتمک محکومدرلر . ابنای بشرک طرز و شیوه تکلمی متخالف بولندیندن یک سریع سویلیانلر ، آرسوزله افاده اولنه‌جق مقصدی مقدمات بی سود ایچنده اغلاق ایدنلر بولنور . ضبط کتابتری ایسه سوزلرک اهمیتایی و اهمیتسزینی تفریق ایچون

حق تقدیری جائز اولمادق لردن رطب و یابس هیچ برسوز ضایع ایتمکده چالیشیرلر . محاکمک طبیعی الحصول اولان های وهوی ایچنده هیئتک برچوق سوالرینه معروضیت التده مرافعه‌نک تقیرو قظیم هرجهتی ، هرصفحه‌سی ضبط ایتمک اعتنا ایدرلر حالبوکه بوکا قارشی محکمه تمیز ضبط کتابتری محکمه تمیزده مرافعه جریان ایتمدیکي جهته تدقیقات تمیزیه اثناسنده هیئتک نزدنده یالکز قرائت اوراق ایله اشتغال واکثریا اوراقک مضموتی تقریر ایدن هیئتک برذاتک نتیجه تدقیقاتی متضمن اولان قرارک اسباب موجب‌سینی اوراقی میاننه وضع ایدر ونادر احوالده بش آلتی ذاتک مذاکره‌سندن تحصیل ایدن نتیجه قراری یازار . تنظیم ضبط واعلامات مشغله‌سی ایسه هراییک قسم محکمه‌ده موجود اولدیندن بوجهتی موضوع بحث ایتمک لزوم یوقدر . دیمک اولورکه محکمه تمیز ضبط کتابتده مشغله اهمیت زائده جهتی وارد دکلدلر . بلکه اسباب مشروحه دن ناشی درجات محاکمی ضبط کتبه‌سی محکمه تمیز کتبه‌سنه متفوقدر .

ثانیاً شرفاً عالی بولنق احتمالی غیروارددر . زیرا قانون قوه عدلیه‌ده یالکز محکمه تمیزک باش میزلیخی محاکم سائرہ کتبه‌سندن شرفاً عالی عد ایدیور . کتبه سائرہ ایچون بوبله براساس وضع ایتمور . حقوق ووظائفده مساواتک اصل اولمسی حسبیه خلافته صراحت اولمادجه بواصلدن تباعد جائز دکلدلر .

ثالثاً مجرد محکمه تمیزده مستخدم اولق مدعی عمومیلک وظیفه‌سی حسن ایفا امرنده تأمین موفقیت ایده‌من . اعتبارات مشروحه نظره آلتش اولسه‌بیله اوج دائره‌یه منقسم بولنمش اولان محکمه تمیزک هر شمه‌سندہ کی کتبه‌نک وقوف واطلاعی اودائره‌یه محول وظائفه تعلق ایدن احکام قانونیه‌یه منحصر اوله جفندن ثمرات مطلوبه‌نک اقتطاف اولنه‌می‌جینی طبیعیدر .

رابعاً محکمه تمیزک حقوق واستدعا دائره‌لر دن قطع نظر علی مرتضی افندینک کتبه‌سندن بولندینی محکمه تمیز جزا دائره‌سی یالکز جنایت موادینی تمیزاً تدقیق وظیفه‌سیله مکلفدر . بناء علیه بودائره‌ده ضبط کتابتده بولنان برذاتک وظائف الحاسیه واقف اوله‌جینی خصوصات مجازات تهریبیه بی ناطق بولنان مواد قانونیه‌نک صور تطبیقه‌سیله طرز تفسیرندن عبارت اولوب بدایت محکمه‌سی مدعی عمومی معاوندکنجه اکثریتله مراجعت ایدیه‌جک اولان مواد قانونیه حنجه وقباحتہ متدائر اولسنه کوره مومی الیهک مجرد بودائره‌نک ضبط کتابتده بولنسی انتخابی ایچون مدار ترجیح اعتبار اولنه‌من .

خامساً کتابت قسمندن حاکمیت و بواعتبارده تلقی اولنان مناصبه ارتقاده نهائی بر محکمه کتبه‌سنک ترجیحی سلسله نظریه‌سنه موافق ایده‌جکی تسلیم اولنما قله برابر بوفرضیه‌نک قبولی حالنده اوسلسله‌نک ایجاباتنه اتباع ایله دائره مشارالیه‌یه منسوب ضبط کتابتری صنوفه منقسم وهرصفحه‌ده ایسه کرک مکتبیدن سورت نشأت وکرک قدم خدمت کبی صور عدیده قانونیه ایله علی مرتضی افندی به متفوق ضبط کتابتری موجود اولدیندن انلر دن سلسله اعتباریه منتهاده

وکیل مشار الیهک التي اساسه ارجاع ایله تشریح اولنان بیانات سالفه سی اسباب قانونیه و قواعد و نظریات علمیه ایله تدقیق ایدلمش اولدیغندن ینه سوزی مشار الیه بر اقیورز :

« اگر منحل اولان مأموریت اعضا ملازمکی اولسه ایدی هر کس بو وظیفه یی ایفا ایدردی لکن مدعی عمومیلک وظیفه سنک دها مهم اولدیغنی بر جوق مزایایه محتاج اولدیغنی محتاج ایضاح دکلدرد . »

حالبوکه مشار الیه دها برایکی دقیقه اول بو وظیفه ایچون «در سعادت بدایت مدعی عمومیلککنده بیک غروش معاشله و عاداتا کتابت درجه سنده بر مأموریت» دیوردی . دیک که وظیفه نك اهمیت صره سنه کوره ترایدوتناقص ایتمکده در . اقربا و منتسبیندن بر ذاتی کچیر مک لازم کلنجه وظیفه نك اهمیت از انیور . مستحق ذوات طالب اولنجه او نرک ایفا ایدمه . جکی در جده کسب اهمیت ایلور . طوغریسی اثبات مدعا خاطر ایچون مدعی عمومیلک مقامنک اعضا ملازم لری نك وظیفه دار اولدیغنی حاکمکلدن دها مهم اولدیغنی افاده سنی بو باده کی قواعد قانونیه و نظریات علمیه یی بحق تدریس ایده بیله جک بر ذاتدن استماع ایلمک موجب تأتدر . مع مافیه شوقدرینی سویلیلم که قانون هر حقوق مأذونی کرک اعضا ملازمکلنی و کرک مدعی عمومی معاونکلنی ایفایه متساویاً اهل فرس ایتشدرد .

بر حقت اثبات ویا اضاعه سنده بالفعل صاحب رأی اولان ایله اورایک حصولنی تسهیل ایده جک اولان ذاتدن قننیسنک هیئت اجتماعیه یه قارشو دها مهم بر وظیفه و مسئولیت تحمل ایتمش اولدیغنی تقدیر ایتک و بونک اولیه بیوردیغنی کبی هر کس طرفندن یایله جق برایش اولمادیغنی آ کلامق اوزون اوزادی یه دوشونمکه ترتیب مقدمات ایله استنباط نتایج مفقرد اولسه کر کدر .

ماریخی زاده :

ابوالعلا

مابعدی وار

تذکره حوائک

یادماضی

محرر فقیرک بابیلک مسلککنه تعریض ایلدیگی عباس افندی ایشتمش اولدیغندن بحث ایله بکا کوچنمش اولدیغنی خبر ویردیله . کیم بیلور بونفاق قننی مفسدک اثره می ایدی؟ عباس افندی نك شخصنه محبت فضیلتنه حرمت اولدیغندن همان نزدینه عزیمت ایله بیان حال و حقیقت ایلدم . انشای صحبتده شونی دیمشیدم : معلوم فضیلتدر که تصدیق وانکار معلوم و معین اولان شیئه تعلق ایدر؛ مسلک بابی هنوز عامه یه افشا ایدلمش اولدیغندن نجه مجهول اولان بر حال و کیفیته اعتراض ایتک نصل ممکن اولور؛ بوسوزمه جواباً عباس افندی بر افاده اجالیله ایله بابیلکک مذهب شافی یه قریب بر مسلک اولدیغنی بیان ایتدی و سوز

بولنان ذاتک ترجیحی لازم کلیردی میر مومی الیهک انتخاب اولمسنه نظر آ بونظریه نك دخی تعقیب ایدلمش اولدیغنی آکلاشلمقده در .

قالدیکه محکمه تمیزک هیئت عمومیه سنده استخدام اولمسی بنه میر مومی الیه در جات محاکمی ضبط کاتبلرندن فضل بر اهمیت تأمین ایده مز . چونکه هیئت مذکورده ده ایفا اولنان وظیفه محکمه تمیزک دائره خصوصیه سنده کی وظیفه نك طرز ایفاسنه تمامیه موافقدر . هیئت مشار الیه اده دره اعضادن بری تقریر مسئله ایدر و اکثریا قرارک اسباب موجه بوصله سنی بر لکده ویریر و نادراحوالده هیئت عمومیه ده بولنان ضبط کاتبی — که هر دائره نامنه اودائره یه منسوب بر ضبط کاتبی بولنور — اون طقوز ذاتک نتیجه مذاکراتی ضبط ایدر . رأیلر استفسار صورتیه برر برر اشارت اولنور . بنابرین ضبط مذاکرات کاتبلر ایچون اصلا موجب مشکلات اولماز .

تفصیلات مشروحه کافه مشاهده یه مستنددر . مع مافیه وکیل مشار الیهک شو افاده سیده موافق نفس الامر دکلدرد . زیرا محکمه تمیز جزا دائره سی نامنه هیئت عمومیه ده ضبط کاتبی وظیفه سنی ایفایه مکتب حقوقک اون یدنجی سنه تدریسیه سی مأذونلرندن حسین وهی افندی مأموردرد که یکرمنجی سنه مأذونی بولنان علی مرتضی افندی دن ایکی اوج سنه مقدم مذکور دائره یه انتساب ایلمشدر . هیئت عمومیه نك انشای مذاکراتنده بعضاً برای استفاده افندی مومی الیه علی مرتضی افندی نك رفاقت ایتمش بولمسنک وکیل مشار الیهجه پک مهم بر مدار احتجاج اولمق اوزره مجلس عالی ملیده سرد واتیان اولمسی حقیقت حالی بیلنرجه پک غریب تلقی اولمشدر .

آلتنجیسی که انجمن اعضاسنک مسامی اولان اقتدار و طلاقک سبب ترجیح عداولمسی اساسیدر . معلومدر که جر بزه و طلاقک کبی اوصاف زانده ده بر ذاتی دیکرینه ترجیح ایچون مرجوحلرک دخی جر بزه و طلاقک لری بیلنمک لازمکلور . هنوز نظارته یکی رک مأذونلری طایمقده اولدیغنی بیان ایدن وکیل مشار الیهک انتخابه مهمل بر اقدیغنی مأذونین سائرده بو اوصاف زانده نك موجودیت و عدم موجودیتی بیله میه جکی طبعیدر . ذاتاً مشار الیه بو باده اقرار مشروحه یه ملازمدر . انجمنده بولنان ذوات ایسه آنجق کندی دائره لرنده کی مأذونلری مقایسه ایده بیله جکلرندن دائره لری خارجسنده کی مأذونلرک بو قیل مزایات جهتندن منتخبلرینک مأذونی بولدیغنی کشف ایتلرینک بطلانی ظاهر در . مع مافیه مادامکه انتخاب مضطه سنی تخیم ایدن ذوات جانبندن مدعی عمومیلک مأموریتی ایچون تعریفات قانونیه خارجنده اوله رق بو قیل اوصاف زانده امر انتخابه مطمح انظار اتخاذ ایدلمش و سبب مرجح اولمق اوزره قناعت وجدانیله لری بو نقطه ده تمرکز ایلمشدر . احوالده کندولرینک بالذات بونی دیکر مستخدم مأذونلرده دخی تحری ایتلری وحتی بو باده طریق اختباره توسل ایللری لازم کلوردی . حالبوکه بو مزبانی ارادقلری حالده انشای انتخابه بو یولده هیچ بر تشبثلرینک سبق ایتلمش اولدیغنی بو کون طلاق و جر بزه جهتندن دخی منتخب ذاته حائر رجحان قدمای مأذونینک موجودیتی کوستریر .